



COMUNU DE SOLÈMINIS

Provìntzia de sa Sardìnnia de bàsciu

Bia Crèsia 18, 09040 – Solèminis (SU – Sud Sardìnnia)
Còdixi Fiscali (CF) 80005100922 - Partida Iva (PI) 01430300929

Informatzitin@

(Home Page de su Giassu istituzionali de su Comunu > Servitzius > Canalis temàticus)



Su servìtziu Informatzitin@ si donat de fai issu etotu impari cun is portalitus in s'arricida e s'orientamentu cumentzendi de su mesi de Totusantus de su Duamilla-e-tres in is Comunas de su Partiolla e de su Campidanu de Bàsciu.

In su Comunu de Solèminis, su servìtziu dd'ant pentzau comentu a unu logu informadori po sa tzitadinàntzia aingìriu de is fainas chi tenint ita biri cun s'Imparu, sa Formazioni, su si-nci aviai in su traballu, su fai Àutu-impreu, su Tempus po si-nci discansai e su Voluntariu. Su modellu operatori s'arreferit a s'intendimentu de s'Informagiòvunus comentu a unu Centru cun sa tenta de s'arrelatai impari operatori e utenti, ma fintzas chini tenit interessus, ideas et esperièntzias.

Su portalitu, in prus, arricit is apretus de is personas po anca strantaxiai totu su chi pertocat a is cumpetèntzias e is consulèntzias, mirendi a favoressi s'impreu de is servitzius e de is propostas chi nci funt in su territòriu. Custu modellu, puntendi a sa prena responsabilizazioni de is chi funt interessaus, agatat currispundèntzia in s'organizazioni de s'ufitziu in d-unu logu po ligi innui

spricullitai - dònniunu fintzas po contu suu - is giornalis e is rivistas specializadas. Diaici, gràtzias a custu spìritu acatosu, si abalorat su si-nci acostai de is personas intra s'una a s'àtera, puntendi a unu processu de àutu-agiudu po favoressi is pràticas de circai su traballu a lestru.

Is tentas de su Servìtziu Informagiòvunus

- Informai de totu su chi sa scola, sa formatzioni, su traballu, su discansu, s'impresa oferrint.
- Strantaxiai unu logu de referimentu po is tzitadinus e is servìtius etotu apitzus de is temàticas orientadoras.
- Aciungi is servìtzius de su territòriu a is matèrias a incuru de s'Informagiòvunus.
- Motivai is utentis a èssiri prus scientis a imperai is servìtzius.
- Collaborai cun is Scolas in su tretu po anca scioberai is stùdius superioris.
- Prevenni su spratzinamentu scolàsticu.

Fainas de s'Informagiòvunus

- Sa compilatzioni de su Curriculum vitae.
- S'orientamentu a sa scola e a su traballu.
- Su spricullitamentu de is cotidianus e rivistas specializadas in sa circa de su traballu, est a nai: "S'Unioni Sarda" - L'Unione Sarda, "Sardìnnia chi Traballat" - Sardegna che Lavora, "Sa Repùbrica" - La Repubblica (sa Giòbia), "Su Curreu de su Meri" - Il Corriere della Sera (sa cenàbara), "Su Bolletinu de su Traballu" - Il Bollettino del Lavoro, Job Advisor.
- Su spricullitamentu on line de is ofertas de traballu e s'imbiu de su Curriculum vitae.
- Noas apitzus de master e de s'oferta de imparu de parti de s'Universitàdi.
- Noas apitzus de is Scolas Superioris.
- Bandus de is Cursus de formatzioni.
- Ainas e totu su chi tocat a sciri po s'Àutu-impreu.
- Bandus de is cuncursus pùbricus.
- Bandus e mòdulus po su Servìtziu Tzivilì, esperièntzias sotzialis e culturalis stràngias (Servìtziu Voluntàriu Europeu, Servìtziu Tzivilì Internatzionali e sighendi a nai...).

Oràriu, Cuntatus e Sedi

- Oràriu: dònna cenàbara de is cincu e mesu (h 17:30) a is seti (h 19:00)
- Sedi: innui s'agatat su Centru de Agregatzioni Sotziali de Solèminis, bia Municìpiu, 1
- Telèfunu: 070 749340
- Curreu eletrònicu: infoparteolla@gmail.com
- Operadori: Dotori Franciscu

Link de referimentu

<https://www.facebook.com/pages/Informacittadino-Soleminis/1447373278896846>